

Ataatsimiinnerup ammarneqarnera

(Inatsisartut Siulittaasuat)

2024-mi upernaakkut ataatsimiinneq maanna ammarneqarpoq.

Upernaakkut ataatsimiinnissamut assigiinngitsunik pingaarutilinnik oqaluuserisassaqaqarfigisatsinnut Inatsisartuni suleqatikka maanga ataatsimiittarfitsinnut tikilluaqqusinnaagassi assut nuannaarutigaa. Suleqatigiilluarnitsigut ataatsimiititalianilu peqqissaartumik suliarinnittarnitsigut oqaluuserisassat angusaqarfiulluarnissaat neriutigaara.

Neriutigaarattaq Inatsisartuni sullissisugut ulloq unnuarlu sulisut qujarullugit suleqatigiilluarlugillu pissasugut

Naalackersuisut uagullu inatsisiliortussaataasut suleqatigiilluarnissarput kissaatigalugu Naalackersuisunut ilaasortat uummammit pisumik tikilluaquakka.

Inuit maani ataatsimiittarfitsinni najuuttut minnerunngitsumillu innuttaaqativut tusarnaarlutillu isiginnaartut taamatuttaaq tikilluaquakka.

Ilaasortat tulluuttut ullumikkut najuutinngillat:

Inatsisartunut ilaasortaq Hans Aronsen ataatsimiinneq naallugu sulinnigiffeqarpoq. Sinniisussamik ataatsimiigiaqqusisoqarnissaa sulissutigineqarpoq.

Inatsisartunut ilaasortaq Jens Kristian Therkildsen apriliip ulluisa 19-iat tikillugu najuutissanngilaq.

Inatsisartunut ilaasortaq Anders Olsen ullumi ataatsimiinnermi najuutissanngilaq, sapaatip akunneratali tullianiit ataatsimeeqataalernissaa naatsorsuutigineqarluni.

Inatsisartunut ilaasortaq Emanuel Nûko apriliip ulluisa qulingat tikillugu najuutissanngilaq.

Taamatut oqaaseqarlunga Inatsisartut 2024-mi upernaakkut ataatsimiinnerannut tamassi qamanga pisumik tikilluaquassi. Neriuppunga ataatsimiinnivut akaareqatigiiffiusumik inerititaqarfiusumillu ingerlanneqarumaartut ataatsimiinnermilu anguniakkavut angujumaarivut.

Taamaalilluta oqaluuserisassani immikkoortut tullermut, tassa immikkoortumut 2-mut, Oqaluuserisassanut nassuiaammut, ingerlaqqissinnaanngorpugut.